

## Transkription von Urkunde ASL 1391a

Ort, Datierung: Aschersleben, 1391-04-18

Signatur: Stadtarchiv Aschersleben, U97

Inhalt: Gebrüder Barde: Schuldbrief

---

Wi her Barde ridder . herme(n) barde brude(re) . hans von salsa . heynrich von liue(n)rode / besete(n)  
to rorsla . hans clauwe . heinrich von beila . besete(n) to dem ghunt(er)sberge / bekenne(n)  
ope(n)ba(r)e indisse(n) iege(n)w(er)dig(en) briue vor alle den di on sen eder horen / lesen dat wi gelouet  
hebbe(n) vnd(e) loue(n) intruwe(n) mit samder hant den Ersame(n) wis(en) / lude(n) radesmeste(ren)  
vn(de) ratmanne(n) gemeine der Stat to Asschir(sleuen) viue vnd(e) twin/tich schok ghuder krossen  
fribergesch mu(n)te . von Albrecht(es) weg(en) von / gum(m)e(re)n (?) di wi on schullen vnd(e)  
willen ghūtliken betalen op dissen negeste(n) / to kumftige(n) sunte jacobes dage indes  
borg(er)mesters hus to asschirsleue(n) ane aller/leie argelist vn(de) hulpe rede geistlikes eder werltlikes  
. were ok dat wi for/beno(mede)n borghen di vif vnd(e) twintich schok nicht enbeteleden op di  
benante(n) / dage tid alse forgescreue(n) steit . wat denne de fornante(n) wisen lude mogelkes /  
schaden dar vm(m)e leden in criste(n) eder in joden den schaden loue wi mit samder / hant ane  
allerleie argelist vnd(e) hinder on gentsliken to irleggen .. dat al / disse forgescreue(n) stücke deme rade  
to asschir(sleuen) stede vast vn(de) vnu(or)broken gehalde(n) / werden So hebbe wi on to opintliker  
orkunt vnd(e) merer wissenheit dissen brif / dar op gheue(n) besegelt mit vnsen anghengheden  
jng(esegel) Nach (cristi) gebort dret/teinhundert jar dar nach indeme ey(n) vn(de)neghe(n)tigest(en)  
jare indeme neest(en) dins/tage vor sunte jurgen dage des hilg(en) merterer(es)